

О'ЗБЕКИСТОН RESPUBLIKASI
ABLMVA VAZIRLIGIDA
DAVLAT RO'YXATIDAN O'TKAZILDI
RO'YXAT RAQAMI: 3130
2019 yil 23 yanvar



ЎЗБЕКИСТОН РЕСПУБЛИКАСИ
БАНДЛИК ВА МЕХНАТ МУНОСАБАТЛАРИ ВАЗИРЛИГИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН АВТОМОБИЛЬ ТРАНСПОРТИ АГЕНТЛИГИНИНГ
ҚАРОРИ

Автомобиль транспорти ҳайдовчилари меҳнатига ҳақ тўлашнинг
умумий шартлари тўғрисидаги низомни тасдиқлаш ҳақида

Ўзбекистон Республикаси Вазирлар Маҳкамасининг 2018 йил 16 июлдаги 538-сон
“Ўз кучини йўқотаётган умуммажбурий идоравий хужжатларнинг ўрнига янги
норматив-хукуқий ва бошқа хужжатларни тайёрлаш бўйича чора-тадбирлар режасини
тасдиқлаш тўғрисида”ги қарорига мувофиқ Ўзбекистон Республикаси Бандлик ва меҳнат
муносабатлари вазирлиги, Ўзбекистон Республикаси Молия вазирлиги ва Ўзбекистон
автомобиль транспорти агентлиги қарор қиласин:

1. Автомобиль транспорти ҳайдовчилари меҳнатига ҳақ тўлашнинг умумий
шартлари тўғрисидаги низом иловага мувофиқ тасдиқлансан.
2. Мазкур қарор расмий эълон қилинган кундан эътиборан кучга киради.

Бандлик ва меҳнат
муносабатлари вазирлиги

Ш. Кудбиев

Тошкент ш.,
2019 йил “22”
2019/54-сон

Молия вазири

Д. Кучкаров

Тошкент ш.,
2019 йил “22” енвар
9-сон

Ўзбекистон автомобиль транспорти
агентлиги бошкада

Д. Дехканов

Тошкент ш.,
2019 йил “22”
1/103-сон



Бандлик ва меҳнат муносабатлари вазирлиги,
Молия вазирлиги ҳамда Ўзбекистон автомобиль
транспорти агентлигининг
2019 йил “22” январдаги
2-2019/қк, 9,1/103-сон қарорига
ИЛОВА

**Автомобиль транспорти ҳайдовчилари меҳнатига ҳақ тўлашнинг
умумий шартлари тўғрисидаги
НИЗОМ**

Мазкур Низом Ўзбекистон Республикаси Вазирлар Маҳкамасининг 2018 йил 16 июлдаги 538-сон “Ўз кучини йўқотаётган умуммажбурий идоравий хужжатларниң ўрнига янги норматив-хукуқий ва бошқа хужжатларни тайёрлаш бўйича чора-тадбирлар режасини тасдиқлаш тўғрисида”ги қарорига мувофиқ автомобиль транспорти ҳайдовчилари меҳнатига ҳақ тўлашнинг умумий шартларини белгилайди.

1-боб. Умумий қоидалар

1. Автомобиль транспорти ҳайдовчилари (бундан буён матнда ҳайдовчилар деб юритилади) меҳнатига ҳақ тўлашнинг умумий шартлари бюджет ташкилотлари, давлат корхоналари, муассасалари ва устав капиталида давлат улуши 50 фоиздан кўпроқни ташкил этадиган ташкилотлар учун (бундан буён матнда ташкилотлар деб юритилади) мажбурийдир, бошқа ташкилотлар учун тавсия хусусиятига эга.

2. Куйидагилар ҳайдовчиларининг иш ҳақи ҳисобланади:

- бажарилган иш ёки ишланган вақт учун тўланадиган ҳақ;
- рағбатлантирувчи ва компенсацияловчи устама ва қўшимча ҳақлар;
- ишдаги ишлаб чиқариш натижалари учун мукофотлар;
- маҳсус турдаги мукофотлар;
- бир йиллик иш якунлари бўйича мукофотлар;
- моддий ёрдам;
- бир йўла мукофотлар;

Солиқ кодексида назарда тутилган бошқа тўловлар.

3. Ташкилотлар ҳайдовчилари меҳнатига ҳақ тўлаш Вазирлар Маҳкамасининг 2009 йил 21 июлдаги 206-сон қарори билан тасдиқланган Мехнатга ҳақ тўлашнинг ягона тариф сеткасига (бундан буён матнда Мехнатга ҳақ тўлашнинг ягона тариф сеткаси деб юритилади) асосан амалга оширилади.

Ўзбекистон Республикаси Вазирлар Маҳкамасининг 2012 йил 11 январдаги 6-сон “Ўзбекистон Республикаси Хукуматининг айrim қарорларига ўзгартиришлар киритиши тўғрисида”ги қарорига асосан Мехнатга ҳақ тўлаш бўйича ягона тариф сеткасидан фойдаланадиган хўжалик ҳисобидаги корхоналар ва ташкилотларга уларнинг молиявий имкониятларидан ва хўжалик фаолияти натижаларидан келиб чиқсан ҳолда, ходимлар меҳнатига ҳақ тўлашни ташкил этиш учун асос сифатида Ягона тариф сеткасининг оширилган тариф коэффициентлари белгиланиши мумкин.

Мехнатга ҳақ тўлаш бўйича Мехнатга ҳақ тўлашнинг ягона тариф сеткасидан фойдаланмайдиган хўжалик ҳисобидаги ташкилотлар ҳайдовчиларининг меҳнатига Мехнат кодексининг 153-моддасига асосан ушбу ташкилотда қабул қилинган меҳнатга ҳақ тўлаш тизимиға мувофиқ амалга оширилади.

2-боб. Ҳайдовчилар мөхнатига ҳақ тўлаш разрядлари

4. Ташкилотлар ҳайдовчиларининг (юк автомобиллари ҳайдовчиларидан ташқари) мөхнатига ҳақ тўлаш мазкур Низомнинг 1-иловасига мувофиқ Ташкилотлар ҳайдовчиларининг (юк автомобиллари ҳайдовчиларидан ташқари) мөхнатга ҳақ тўлаш бўйича Мөхнатга ҳақ тўлаш ягона тариф сеткаси бўйича разрядлар асосида амалга оширилади.

5. Ташкилотлардаги юк автомобиллари ҳайдовчиларининг мөхнатига ҳақ тўлаш мазкур Низомнинг 2-иловасига мувофиқ Ташкилотлардаги юк автомобиллари ҳайдовчиларининг мөхнатига ҳақ тўлаш бўйича разрядлар асосида амалга оширилади.

6. Ҳайдовчиларнинг мөхнатига ҳақ тўлаш разрядлари автомобилнинг характеристикасида (техник паспортида) ишлаб чиқарувчи томонидан кўрсатилган автомобиллар параметрлари ва вазифасидан келиб чиқиб мазкур Низомнинг 1 ва 2-иловаларига мувофиқ белгиланади.

Ташкилотда ҳайдовчига бир нечта синфдаги автомобиллар бириктирилган холларда ҳайдовчига унга бириктирилган автомобилнинг энг юқори разрядидан келиб чиқсан ҳолда ҳақ тўланади.

7. Ҳайдовчиларнинг Мөхнатга ҳақ тўлашнинг ягона тариф сеткаси бўйича разряд:
кон самосваллари, тез бузиладиган юклар ташишда автомобиль-рефрижераторлар, шунингдек автокранлар – бир разряд юқори;

шошилинч тиббий ёрдам хизматининг ихтисослаштирилган автомобиллари учун бошқа тез тиббий ёрдам автомобилларининг ҳайдовчиларига нисбатан бир разряд юқори белгиланади.

8. Ҳайдовчиларнинг тариф ставкасига 1,228 миқдорида тармоқ коэффициенти қўлланилади. Мөхнатга ҳақ тўлаш бўйича ягона тариф сеткасининг тегишли разряди бўйича ҳайдовчининг базавий тариф ставкасини ҳосил қиласди.

9. Ишга соатбай ҳақ тўлаш жорий этилса, базавий ойлик тариф ставкасини иш вақти йиллик балансини ҳисобга олган ҳолда норматив хукуқий ҳужжатларда белгиланган иш соатларининг ўртача ойлик миқдорига бўлиш орқали белгиланадиган соатбай тариф ставкалари қўлланилади.

Давлат бошқаруви органларида бириктирилган шахсий ва навбатчи енгил автомашиналарнинг ҳайдовчилари учун соатбай мөхнатга ҳақ тўлаш шарти билан навбатчиликка 12 соатдан ошмаган ҳолда сменалик иш режими ўрнатилади.

3-боб. Ҳайдовчиларга бериладиган қўшимча тўловлар

10. Куйидагилар учун устамалар ва қўшимча ҳақлар белгиланади:

тунги вақтда, дам олиш ва байрам кунлари ишлаганлик, шунингдек хизмат вақтидан ташқари ишлаганлик учун Ўзбекистон Республикаси Мөхнат кодексида белгиланган миқдорларда;

малака даражаси учун иккинчи даражали ҳайдовчиларга Мөхнатга ҳақ тўлаш бўйича ягона тариф сеткасининг тегишли разяди бўйича ҳайдовчининг базавий тариф ставкасининг 10 фоизи миқдорида, биринчи даражали ҳайдовчиларга – 25 фоизи миқдорида;

халқаро юк ташувларини амалга оширганлиги учун – Ўзбекистон Республикаси худудидан ташқарида бўлган даврда Мехнатга ҳақ тўлаш бўйича ягона тариф сеткаси тегишли разряди базавий тариф ставкасининг 20 фоизигача;

Ўзбекистон Республикаси Президенти Администрацияси транспорт қисми ҳамда Вазирлар Маҳкамаси аппарати Хўжалик фаолияти бошқармаси Автохўжалиги балансида бўлган автомобиллар ҳайдовчиларига алоҳида меҳнат шароитлари учун – Мехнатга ҳақ тўлаш бўйича ягона тариф сеткасининг тегишли разряди бўйича ҳайдовчининг базавий тариф ставкасининг 35 фоизи;

автотранспорт воситаси қурилмалари, механизмлари ва ускунасини бошқариш учун маҳсус ишчилар талаб этилган бўлса ва уларнинг вазифаларини ҳайдовчи бажарётган бўлса, бир йўла бир неча касбда ишлаганлиги, хизмат кўрсатиш зонаси кенгайланлиги ва бажариладиган ишлар ҳажми ошганлиги учун – Ўзбекистон Республикаси Вазирлар Маҳкамасининг 2012 йил 18 октябрдаги 297-сон “Ўриндошлик асосида ҳамда бир неча касбда ва лавозимда ишлаш тартиби тўғрисидаги низомни тасдиқлаш ҳақида”ги қарорида белгиланган тартибда;

агар иш сменаси ўртасидаги танаффус икки соатдан ортиқни ташкил этса, бўлинган иш сменасида ишлаганлиги учун – базавий тариф ставкасининг 30 фоизигача. Бунда, ички сменанинг танаффус вақти ҳисобга олинмайди;

агар йўналиш бўйича берилган топшириқка кўра ҳайдовчи доимий яшаш жойига (автотранспорт ташкилоти, гараж жойлашган жойга) қайтиб келиш имкониятига эга бўлмаса, сафар хусусиятига эга меҳнат шароитларида ишлаганлиги учун – йўналиш бўйича берилган топшириқни бажариш даври учун базавий тариф ставканинг 10 фоизигача;

устама ва қўшимча ҳақларнинг аниқ миқдорлари жамоавий шартномада белгиланади, агар у тузилмаган бўлса, касаба уюшмаси қўмитаси билан келишган ҳолда иш берувчилар томонидан белгиланади.

11. Ҳайдовчиларнинг базавий тариф ставкалари:

вақтбай ишлайдиган ҳайдовчилар учун прицепларга эга автопоезд ва юк автомобилларида ишлашда улар мазкур автотранспорт воситаларида амалда ишлаган кунлари учун 20 фоизга;

тоғ ва конларда олиб бориладиган технологик ишларда, кесик жойларда ва очик конларда технологик ташувларда ишлашда улар амалда ишлаган кунлари учун 24 фоизгача;

портловчи ва радиоактив моддаларни ташишда 12 фоизгача оширилади.

4-боб. Транспорт воситасини таъмирлаш ва унга техник хизмат кўрсатиш даврида ҳайдовчиларнинг меҳнатига ҳақ тўлаш

12. Ҳайдовчиларга бириктирилган автомобиллар таъмирлаш ёки техник хизмат кўрсатиш учун олиб қўйилган ҳолларда улар ҳайдовчилар ихтисослиги бўйича бошқа автомобилларда хизмат қилишлари лозим.

13. Ўзига бириктирилган автомобилларнинг бекор туриб қолиши (носозлиги ёки тўлиқ эмаслиги, ихтисослиги бўйича иш йўқлиги) туфайли автомобил ҳайдовчилари автомобилларни таъмирлаш ва уларга техник хизмат кўрсатиш бўйича ишларга (ёки бошқа касбга ишлашга) ўтказилган ҳолларда бекор туриб қолган бутун вақт учун

уларнинг меҳнатига бажариладиган иш бўйича, бироқ аввалги (асосий) иш бўйича ўртacha ойлик иш ҳақидан кам бўлмаган миқдорда ҳақ тўланади.

Хайдовчилар автомобилларга техник хизмат кўрсатиш ва уларни таъмиrlаш ишларига ўtkазилганда уларга ушбу даврда малака даражаси учун бериладиган устама ҳақ тўланмайди.

14. Таъмиrlовчи ва хизмат кўrсатувчи ҳодимларнинг маҳsus штатини сақлашга эҳтиёж бўлмаган ва шунинг учун ҳайдовчилар иш вақтида автомобилларни таъмиrlаш ва уларга техник хизмат кўrсатиш бўйича ишларни бажарадиган ташкилотларда (агар бу ишларни техник хизмат кўrсатиш станцияларида ёки автотранспорт ташкилотида бажариш имкони бўлmasa) мазкур ишларни бажариш вақти учун ҳайдовчиларга белгиланган шартларга мувофиқ мазкур Низомнинг 12-бандида белгиланган устамалар ва қўшимча ҳақларни хисобга олган ҳолда ҳақ тўланади.

5-боб. Ҳайдовчиларга тўланадиган бошқа ҳақ турлари

15. Мазкур Низомнинг 3-бобида кўrсатилмаган мукофот бериш, моддий ёрдам ва бошқа рағбатлантирувчи тўловлар ҳамда компенсация тўловларни тўлаш қонун хужжатларида белгиланган тартибда қабул қилинган ҳодимлар меҳнатига ҳақ тўлашга доир ташкилотнинг локал хужжатларига мувофиқ амалга оширилади.

16. Ҳайдовчининг айби бўлмаган ҳолда бўш туриб қолган вақт учун иш ҳақи қонун хужжатларида белгиланган ўртacha ойлик иш ҳақи миқдорида тўланади.

Ҳайдовчининг айби билан бўш туриб қолган вақт учун иш ҳақи тўланмайди.

17. Икки нафар ҳайдовчи бир вақтда бир автомобилда узоқ рейсга юборилган ҳолларда ҳар бир ҳайдовчига иш ҳақи рейсга сарфланган иш вақти ҳисоб-китобидан келиб чиқиб вақтбай тўланади.

Меҳнатга ишбай ҳақ тўланганда автомобиль ҳайдовчиларининг ишбай ҳақи малака даражасига эгалик учун устама ҳақни хисобга олмаган ҳолда тенг улушларда ҳайдовчилар ўртасида бўлинади.

Агар узоқ рейсларга юборилган ҳайдовчиларга йўналиш варагига мувофиқ автомобилдан ташқари сменлараро дам олиш вақти берилса (меҳмонхонада, кемпингда, хизмат ёки ижара уйида), бу вақт иш вақтига киритилмайди ва унга ҳақ тўланмайди.

18. Жамоавий шартномаларда ҳайдовчиларга бошқа устамалар ва қўшимча ҳақлар назарда тутилиши мумкин.

6-боб. Якунловчи қоида

19. Мазкур Низомга риоя этиш учун жавобгарлик муассаса раҳбари зиммасига юкланди.

Автомобиль транспорти ҳайдовчилари
мехнатига ҳақ тўлашнинг умумий
шартлари тўғрисидаги низомга
1-илова

**Ташкилотлар ҳайдовчиларининг (юк автомобиллари ҳайдовчиларидан
ташқари) меҳнатга ҳақ тўлаш бўйича Мехнатга ҳақ тўлаш
ягона тариф сеткаси бўйича разрядлар**

| Автомобиль синфи | Енгил автомобиль двигателининг литрдаги иш ҳажми; Автобуснинг габарит узунилиги, метрда (автомобилнинг техник паспорти бўйича) | Ягона тариф сеткаси бўйича разрядлар | |
|--|---|---|---|
| | | Умумий | Тез тиббий ёрдам автомобиллари; махсус овоз ва чироқ сигналлари билан жизозланган автомобиллар |
| 1. Енгил автомобиллар | | | |
| Ўта кичик ва кичик | 1,8 литргача | 1 | 2 |
| Ўртacha | 1,8 литрдан 3,5 литргача | 2 | 3 |
| Катта | 3,5 литрдан ортиқ | 3 | 4 |
| 2. Автобуслар | | | |
| Ўта кичик | 5 метргача | 2 | 3 |
| Кичик | 5 метрдан 7,5 метргача | 3 | 4 |
| Ўрта | 7,5 метрдан 9,5 метргача | 4 | 5 |
| Катта | 9,5 метрдан 11 метргача | 5 | 6 |
| | 11 метрдан 15 метргача | 6 | 7 |
| | 15 метрдан ортиқ | 7 | |
| 3. Мотоцикллар, мотороллерлар ҳамда бошқа икки ва уч ғилдиракли мотовоситалар | | | |
| Ҳар қандай синфдаги | - | 1 | - |

Изоҳ:

Ўзбекистон Республикаси Вазирлар Маҳкамаси аппарати Хўжалик фаолияти бошқармаси Автохўжалиги балансида бўлган енгил автомобиллар ҳайдовчиларига разрядлар мазкур жадвалда белгиланган разрядга нисбатан уч разряд, автобуслар ҳайдовчиларига икки разряд юкори белгиланади.

Қонун хужжатларида ташкилотга ўзи учун алоҳида разряд белгилаш ваколати берилган бўлса, ушбу ташкилотда мазкур жадвалда белгиланган разряддан бошқа разрядлар кўлланилиши мумкин.

Автомобиль транспорти ҳайдовчилари
мехнатига ҳақ тўлашнинг умумий
шартлари тўғрисидаги низомга
2-илова

**Ташкилотлардаги юк автомобиллари ҳайдовчиларининг
мехнатига ҳақ тўлаш бўйича разрядлар**

| Автомобиллар гурухлари (тоннада юк кўтариш қобилияти), автомобилнинг техник паспорти бўйича | | | Ягона тариф сетка бўйича разряд |
|--|---|---|--|
| I | II | III | |
| борт автомобиллари | ихтисослаштирилган ва максус автомобиллар: самосваллар, фургонлар, цистерналар, рефрижераторлар, техник ёрдам, ёнгин автомобиллари, кор тозалагичлар, йўлга сув сепгич машиналар, автокранлар, автоюккўтаргичлар ва максус жиҳозланган бошқа автомобиллар; прицепли ва яримприцепли шатакчи автомобиллар | нажас, чирийдиган ахлат, ҳайвонларнинг ўликлари, цемент, заҳарли химикатлар, сувсиз аммиак, аммиакли сув, радиоактив моддалар ва бошқа хавфли кимёвий воситалар ташувчи ассенизацион, сипирувчи ва тозаловчи автотранспорт воситалари. | |
| | 1,5 гача | - | 1 |
| 1,5 дан 3 гача | 0,5 дан 1,5 гача | до 0,5 гача | 2 |
| 3 дан 5 гача | 1,5 дан 3 гача | 0,5 дан 1,5 гача | 3 |
| 5 дан 10 гача | 3 дан 5 гача | 1,5 дан 3 гача | 4 |
| 10 дан 20 гача | 5 дан 10 гача | 3 дан 5 гача | 5 |
| 20 дан 40 гача | 10 дан 20 гача | 5 дан 10 гача | 6 |
| 40 дан ортиқ | 20 дан 40 гача | 10 дан 40 гача | 7 |
| - | 40 дан ортиқ | | 8 |

Изоҳ:

Ўзбекистон Республикаси Вазирлар Маҳкамаси аппарати Хўжалик фаолияти бошқармаси Автохўжалиги балансида бўлган юк автомобиллари ҳайдовчиларига разрядлар мазкур жадвалда белгиланган разряддага нисбатан икки разряд юқори белгиланади.

Қонун хужжатларида ташкилотга ўзи учун алоҳида разряд белгилаш ваколати берилган бўлса, ушбу ташкилотда мазкур жадвалда белгиланган разряддан бошқа разрядлар кўлланилиши мумкин.